



Broj: 02-05-2447/17
Lukavac, 26.12.2017.godine

Na osnovu članova 68. stav (1) i 72. stav (3) tačka b) Zakona o javnim nabavkama („Službeni glasnik BiH“, broj 39/14), u otvorenom postupku javne nabavke potrošnog kancelarijskog materijala – LOT 1, na Preporuku Komisije za provođenje postupka javne nabavke broj: 02-05-2447/17 od 26.12.2017. godine, Općinski načelnik donosi

ODLUKU

o dodjeli ugovora za javnu nabavku potrošnog kancelarijskog materijala – LOT 1, drugorangiranom ponuđaču

Član 1.

Poništava se Odluka broj: 02-05-2447/17 od 11.12.2017. godine o izboru najpovoljnijeg ponuđača za nabavku potrošnog kancelarijskog materijala – LOT 1, kojom je ugovor dodijeljen ponuđaču „SVJETLOSTKOMERC“ d.d. Sarajevo, podružnica Tuzla.

Član 2.

Prihvata se Preporuka Komisije za provođenje postupka javne nabavke broj: 02-05-2447/17 od 26.12.2017. godine i ugovor o javnoj nabavci potrošnog kancelarijskog materijala – LOT 1, dodjeljuje drugorangiranom ponuđaču „R&S“ d.o.o. Sarajevo prema ponudi broj: 16704/17 od 13.11.2017. godine i za ponuđenu cijenu u vrijednosti od 10.987,00 KM, bez PDV-a.

Član 3.

„R&S“ d.o.o. Sarajevo je dužan da, u roku od 7 (sedam) dana od dana prijema ove Odluke, dostavi Općini Lukavac, kao ugovornom organu, slijedeće:

1. Dokaze iz člana 45. stav (2), tačke a), b), c) i d) Zakona o javnim nabavkama BiH („Službeni glasnik BiH“, broj 39/14)-(u daljem tekstu: Zakon) i tačke 12.2., podtačke a), b), c) i d) Tenderske dokumentacije broj: 02-05-2135/17 (dokaz za ličnu sposobnost);
2. Dokaze iz člana 47. stav (1) tačka a) Zakona i tačke 3.2.2. tačka a), Tenderske dokumentacije broj: 02-05-2447/17 (dokaz za ekonomsku i finansijsku sposobnost);

Dokazi iz tačke 1. i 2. ovog člana moraju biti originali ili ovjerene kopije i ne smiju biti stariji od 3 (tri) mjeseca računajući od dana predaje ponude.

Član 4.

Ova Odluka bit će objavljena na intrenet stranici Općine Lukavac (www.lukavac.ba)

Član 5.

Ova Odluka stupa na snagu danom donošenja.



Obrazloženje

Postupak javne nabavke roba, pokrenut je Odlukom o pokretanju postupka javne nabavke broj: 02-02-1-2446/17 od 23.10.2017. godine.

Predmet nabavke podijeljen je na tri grupe – lotove i to:

- javna nabavka potrošnog kancelarijskog materijala – LOT 1;
- javna nabavka tonera – LOT 2;
- javna nabavka obrazaca – LOT 3.

Obavještenje o nabavci broj: 719-1-1-86-3-57/17 objavljeno je na Portalu javnih nabavki dana 23.10.2017. godine i u "Službenom glasniku BiH", broj 77/17, dana 27.10.2017. godine.

Nastavak obrazloženja se odnosi na postupak javna nabavka potrošnog kancelarijskog materijala – LOT 1; (u daljem tekstu: predmetni postupak – LOT 1).

Javna nabavka je provedena u otvorenom postupku i primjenom e-aukcije.

Za provođenje postupka javne nabavke, imenovana je Komisija Rješenjem broj: 02-05-2501/17 od 26.10.2017. godine.

O svom radu i provedenom postupku Komisija je dostavila Općinskom načelniku: Zapisnik o pregledu i ocjeni ponuda – LOT 1, broj: 02-05-2447/17 od 20.11.2017. godine, Zapisnik o pregledu i ocjeni ponuda nakon održane e-aukcije, broj: 02-05-2447/17 od 05.12.2017. godine – LOT 1; Preporuku o izboru najpovoljnijeg ponuđača broj: 02-05-2447/17 od 05.12.2017. godine – LOT 1 i Izvještaj o radu broj: 02-05-2447/17 od 11.12.2017. godine sa priložima.

Uvidom u dostavljene priloge utvrđeno je slijedeće:

- da je Komisija blagovremeno i pravilno izvršila otvaranje, pregled i ocjenu pristiglih ponuda;
- da je u predmetnom postupku - LOT 1, primljeno šest ponuda i to: "PLAN PLUS" d.o.o. Zanica, "AERO EXCLUSIVE" d.o.o. Sarajevo, podružnica Tuzla, "SVLETLOSTKOMERC" d.d. Sarajevo, podružnica Tuzla, "PČELICA M" d.o.o. Tuzla, "R&S" d.o.o. Sarajevo, i "ALFADIVIT" d.o.o. Živinice, - da je svih šest ponuda primljeno blagovremeno;
- da nije bilo neblagovremeno primljenih ponuda;
- da su ponude ponuđača: "PLAN PLUS" d.o.o. Zanica, "AERO EXCLUSIVE" d.o.o. Sarajevo, podružnica Tuzla, "SVLETLOSTKOMERC" d.d. Sarajevo, podružnica Tuzla, "PČELICA M" d.o.o. Tuzla, "R&S" d.o.o. Sarajevo, i "ALFADIVIT" d.o.o. Živinice, kvalifikovane i prihvatljive, iz razloga što su na propisan način dostavljeni svi dokazi propisani i traženi tenderskom dokumentacijom;
- da procijenjena vrijednost nabavke bez uključenog PDV-a iznosi 15.000,00 KM;
- da je kriterij za dodjelu ugovora najniža cijena;
- da je ponuđač, "SVJETLOSTKOMERC" d.d. Sarajevo, podružnica Tuzla, dostavio prihvatljivu ponudu sa konačnom cijenom, nakon e-aukcije, u iznosu od 10.960,00 KM, bez PDV-a.
- da je Komisija pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije;
- da je Komisija u svemu pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom;
- da u postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Na osnovu naprijed navedenog utvrđeno je da se može prihvatiti Preporuka Komisije za provođenje postupka javne nabavke broj: 02-05-2447/17 od 05.12.2017. godine o izboru najpovoljnijeg ponuđača i da se ugovor za javnu nabavku potrošnog kancelarijskog materijala – LOT 1, može dodijeliti ponuđaču "SVJETLOSTKOMERC", d.d. Sarajevo, podružnica Tuzla, kao najpovoljnijem ponuđaču, pa je shodno navedenom i donesena Odluka broj: 02-05-2447/17 od 11.12.2017. godine, o izboru najpovoljnijeg ponuđača u postupku javne nabavke potrošnog kancelarijskog materijala – LOT 1.

U skladu sa članom 25. tačka f) i članom 71. Zakona, ponuđači su obaviješteni, dopisom broj: 02-05-2447/17 od 11.12.2017. godine, da je donesena Odluka o izboru najpovoljnijeg ponuđača broj: 02-05-2447/17 od 11.12.2017. godine.

Izabranom ponuđaču je ostavljen rok od 7 (sedam) dana od dana prijema Odluke da naknadno dostavi dokumentaciju iz člana 45. stav (2), tačke a), b), c) i d) Zakona člana 47. stav (1) tačka a) Zakona, člana 51. Zakona i člana 62. stav (2) Zakona, odnosno dokumentaciju iz tačke 12.2., podtačke a), b), c) i d), tačke 13.2.2. tačka a), Tenderske dokumentacije broj: 02-05-2447/17, na što se izabrani ponuđač i obavezao da će, u slučaju da njihova ponuda bude

najuspješnija, dostaviti dokaze o kvalificiranosti u pogledu lične sposobnosti, ekonomske i finansijske sposobnosti i tehničke i profesionalne sposobnosti koji su traženi Tenderskom dokumentacijom i u roku koji je utvrđen. Izjava je data u ponudi broj: 04-12223/17 od 09.11.2017. godine, u tački 6. Priloga 2.1. Obrasca za ponudu-LOT 1, strana 4.

Pregledom naknadno dostavljene dokumentacije od strane izabranog ponuđača „SVJETLOSTKOMERC“ d.d. Sarajevo, podružnica Tuzla, Komisija je utvrdila da izabrani ponuđač nije dostavio sve tražene dokumente kojima se dokazuje ispunjavanje uslova traženih Tenderskom dokumentacijom broj: 02-05-2447/17 i to:

- nije dostavljen dokaz tražen u tački 12.2. a) Tenderske dokumentacije broj: 02-05-2447/17, a propisan članom 45. stav (2) tačke a) Zakona, kojim se dokazuje lična sposobnost: izvod iz kaznene evidencije da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan, a što je u suprotnosti sa tačkom 12.2. a) Tenderske dokumentacije broj: 02-05-2447/17.

Iz navedenih razloga, a postupajući u skladu sa članom 68. stav (1) Zakona o javnim nabavkama („Službeni glasnik BiH“, broj 39/14), Komisija je ponudu ponuđača "SVJETLOSTKOMERC" d.d. Sarajevo, podružnica Tuzla, odbacila kao neprihvatljivu.

O pregledu dostavljene dokumentacije Komisija je sačinila zapisnik broj: 02-05-2447/17 od 26.12.2017. godine.

U skladu sa članom 72. stav (3) Zakona o javnim nabavkama, Komisija je dala ugovornom organu Preporuku broj: 02-05-2447/17 od 26.12.2017. godine, da ugovor za javnu nabavku potrošnog kancelarijskog materijala – LOT 1, dodijeli drugorangiranom ponuđaču sa konačne rang liste nakon završene e-aukcije, "R&S" d.o.o. Sarajevo, a prema ponudi broj: 16704/17 od 13.11.2017. godine i za ponuđenu cijenu u vrijednosti od 10.987,00 KM, bez PDV-a.

Ocjenom naprijed navedenog, zaključeno je da je Komisija pravilno izvršila ocjenu dostavljenih dokaza u skladu sa zahtjevima iz Tenderske dokumentacije i Zakona o javnim nabavkama.

Takođe je utvrđeno da razlika ponuđenih cijena iznosi 26,40 KM bez PDV-a, i da je prihvatljiva.

(Ponuđena cijena prvorangiranog ponuđača "SVJETLOSTKOMERC d.d. Sarajevo, podružnica Tuzla iznosi 10.960,60 KM, bez PDV-a, a drugorangiranog ponuđača "R&S" d.o.o. Sarajevo iznosi 10.987,00 KM, bez PDV-a.)

Na osnovu naprijed navedenog utvrđeno je da se može prihvatiti Preporuka Komisije i Ugovor za javnu nabavku potrošnog kancelarijskog materijala - LOT 1, dodijeliti drugorangiranom ponuđaču "R&S" d.o.o. Sarajevo, prema ponudi broj: 16704/17 od 13.11.2017. godine i za ponuđenu cijenu u vrijednosti od 10.987,00 KM, bez PDV-a.

Iz naprijed navedenih razloga, a primjenom člana 72. stav (3) tačka a) Zakona o javnim nabavkama („Službeni glasnik BiH“, broj 39/14), riješeno je kao u dispozitivu ove Odluke.



Dostaviti:

1. „WEB STRANICA“ Općine Lukavac
2. Evidenciji,
3. Arhivi.